



11. april 2024

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquuteqaateqarpunga.

**Naalakkersuisunut apeqquuteqaatit:**

- 1. Naalakkersuisut paassisutissiissutigisinnaanerpaat DIH-p illuutaani tarnikkut katsorsaavittaani oqoqarneranik ilisimasaqarnerlutik?**
  - a. Kisitsisaateqartoqarpa imaluunniit misissuinerit, ilisimasamik taassuminnga aappimik naaggamilluunniit uppernarsaataasinaasunik? (Nalunaarusiamik assigisaanilluunniit ilanngussinissaq kissaatigineqarpoq)**
- 2. Naalakkersuisut ilisimasaqarnerpat sulisoqarnersoq oqoqarnerup aamma/imaluunniit illup iluata silaannalunnerata kingunerisaanik malunniutinik peqartoqarneranik?**
  - a. Ilumoorpat, periarfissat suut piffissap sivikitsup iluani aaqqiissutissatut periarfissaappat?**
- 3. Naalakkersuisut tarnikkut katsorsaavimmi sillimaniarnermut pissutsit qanoq misigaat eqqarsaatigigaanni, Danmarkimi arlalinnik toqutsisoqarnera sillimaniarnermut amigaateqarneq peqqutigalugu?**
  - a. Naalakkersuisut oqaatigisinnaanerlugu, suut sillimaniarnermut suliniutit, pitsanggorsartariaqarneri piffissami sivikitsumi piffissarlu ungasinnerusoq eqqarsaatigalugu?**
  - b. Naalakkersuisut tarnikkut nappaatinut inatsisip allanngortinnissaa tamakku tunngavigalugit tunngavissaqartippaat?**
- 4. Qaqgumut Naalakkersuisut naatsorsuutigaat, maani nunatsinni tarnikkut napparsimasunut aalajangersimasumik Region Hovedstaden-miit tarnip nappaataanut immikkut ittumik nakorsamik aalajangersimasumik atuisoqalernissaa, arlallit, tassanilu aamma Folketingip, ikiorniarluta neriorsuereernerisigut?**
- 5. Inersimasunut tarnikkut napparsimasunut Naalakkersuisut politikkikkut pingaartitaat suuppat?**
- 6. Nuna tamakkerlugu ADHD-mik innarluuteqartut amerliartornerinut Naalakkersuisut politikkikkut pingaartitaat suuppat?**
- 7. Qaqgu Naalakkersuisut tarnimikkut napparsimasunut katsorsaaviup allilerneqarneranut atasumik aammalu tarnikkut napparsimasunut sulisut amerlassusissaannik inatsisiliornermut atasumik nukinnik aningasanillu pisariaqartinneqartunik tunniussaqarniarpat?**
- 8. Naalakkersuisut suliamut soqtiginaatilinnik allanik paassisutissiisinjaava?**

(Inatsisartunut ilaasortaq Anna Wangenheim, Demokraatit)



### **Tunngavilersuut**

Tamatta ilisimavarput, ukiorpssuarni tarnikkut napparsimasunut katsorsaavissaq utaqeqarsimasoq, maannakkullu killiffik unaavoq, suli aallartinnissaa pisariaqartoq pinngimmat, maani nunatsinni tarnikkut napparsimasunut pitsaanerusumik suliniutit piviusungortinnissaa eqqarsaatigalugu.

Tarnikkut napparsimasunut illutaritinneqartut ullutsinnut tulluutinngillat, tamattalu soqtigisaraarput, Kalaallit Nunaanni napparsimasut tamarmik, tarnikkut napparsimasut minnerunngitsumillu meeqqat-aamma inuuusuttut tarnimikkut napparsimasut sinaakkuteqassasut, sillimaniarnikkut isumannanngitsunik peqqissutsimillu siuarsanermut piumasaqaatitaqartunik naammassinnissinnaasumik.

Nunatsinni innuttaasunik ilaqtariinnillu meeratalinnik tarnikkut napparsimasunik pitsaanerpaamik katsorsaaneq qulakkeerniarlugu sulisunik piginnaaneqarluartunik pisariaqartitsivugut, suliffimminnik nuannarinnittunik. Taamaaliornissamut pisariaqartinneqarput, timikkut tarnikkullu sinaakkutit pitsaasuunissaat, aammalut sulisut sulinertik pissutigalugu napparsimalinnginnissaat. Taamaattumik suliffimmi atugassarititaasut nuna tamakkerlugu politikkikkut qulakkeerneqarnissaat pingaarutilerujussuuvooq, tarnikkut napparsimasunut atugassarititaasut pitsangorsarnissaanut siunertat iluatsissappata.

Apeqquima ullaat suliffiusut qulit iluanni akissutaasa tigunissaat qilanaaraara.